

D'AN OTRO ZANT MIKEL

Parouz Lomikel

DISKAN :

Zant Mikel, teurvéet hon difenn,
Pellaet diouz-imp Satan hon énébour ;
Euz huelder ann env chileoet ouz hon féden ;
O zant Mikel, deud d'hon zikour.

I

Koulz hag hon zado, gwir gristenien,
A tirédomp ama hirié,
Dirag ho skeuden évit goulén
Ma vo bépred divoulc'h hon fé.

II

Hanval ouz léonet kounaret
O klask tra benag da lounkan,
Ann drouk-spéréjo holl unanet
Mui 'vit biskoaz 'glask hon flastran.

III

Dré holl ar gasoni, ar venjans,
Ar fallagriez, ar muntro,
Evel môr fankuz war hon brô Frans
A c'houéz etrezeg ann envo.

IV

Ankouaet gant kalz a gristenien
Sentin ouz lézenno Doué ;
Na ouzont ken eo ar béden
Ar gwella tra vit ann iné.

V

Ann denvalijen war ho spéred,
Ar péc'het enn ho c'halono,
Dré hent ar vuhez 'fell d'hé kerzet
Hep sellet war-zu ann envo.

VI

Nag a dud fall a lavar hirié,
Drougiez enn he ha kounar ;
Dimeuz ar Feiz hag euz a Zoué,
Poent é dizamman ann douar.

VII

O na lézet ket hon brô garet
Da vont pelloc'h gant ann hent fall ;
Etrézeg Doué hé distrôet,
Ma vô kristen ével gwéhall.

VIII

C'houi a c'helvomb holl gant karanté
Difenner ann Iliz santel,
O miret d'ezhi hé bugalé
Ha bézet bépred hé skoazel.

IX

Hon brô Frans a viskoaz 'zo hanvet
Euz ann Iliz ar verc'h hénan :
Ni ho péd, groet ma vézo bépret,
Euz hé bugalé, ar gwellan.

X

Hon tad santel ar Pab 'zo mac'het
Gand énébourien disléal ;
Enn hé boanio 'war-n-han hastennet
Ho prec'h nerzuz 'vit hen diwall.

XI

Ho pennoz ivé d'imp dirédet
Da bédi dirag ho skeuden ;
Ebarz hon c'halono kizellet
Karanté Doué da viken.

Brioci, die 30 augusti 1897.

Imprimatur,

CHATTON, *can., vic. gen.,*